



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

§. 5. Podlaßia, Podlaske.

urn:nbn:de:hbz:466:1-13167

§. 5. Podlassia, Podlaske.

OLIM sub Imperio Lithuaniae, & ex duplice Palatinatu viginti millia Nobilitatis armatae emittebat, nunc Polonici regni membrum est.

| | |
|--|--|
| P A L. BIEL- CEN- S I S Palat. de Biels- ko, os Bulsko. | BIELKA , seu Belza: <i>Byelsko</i> , aliter <i>Bulsko</i> , ciuitas ligno munita, sicut & arx quæ aliquando spectante Rege, de cælo tacta tota deflagravit. Sita ad Fl. <i>Byala</i> . Tykoczinum : <i>Tykoczin</i> , vrbs lignea ad Fl. <i>Narew</i> , munitionis in paludibus. In eâ moneta percutitur, & Regis Thesaurus afferuatur. Knyssinum : <i>Knyszyn</i> , lignea vrbs, vbi Regis Palatum, & horti peramoeni. |
|--|--|

| | |
|---|--|
| P A L A T. D R O H I C I - N E N S I S Pal. de Drohycin. | D R O H I C I N A : <i>Drohicin</i> , ciuitas ligneis muris septa ad Fl. <i>Bug</i> , qui collem cui vrbs insidet, alluit. Hic curia in qua de causis nobilium disceptatur. |
|---|--|

C A P V T IV.

Prussia, seu Borussia.

CVIVS incolæ Prutheni, & Borussi dicuntur, vnde Prussia aliquando Borussia Latinè scribentibus appellatur. Æneas Sylvius, qui in iis partibus legationes obiit, putat olim Ultiginos appellatos: item & Alanos, & Gothos, & Vandalitas eandem Regionem occupasse. Vnde autem Prussia dicta fuerit ignoratur, nisi Mathia Poloni tibi arrideat fabula eam à Rege Prussiæ deducentis, qui impellente Annibale bellum Romanis indixit, & ab iis dominus in eas regiones secessit. Hoc certum circa annum Christi 1200. deuenisse in potestatem fratrum Teutonicorum, qui aliter postea & Crucigeri, & Mariani, & Pauperiani dicti sunt, & ex duobus ordinibus in unum coaluerunt. Igitur circa prædictum annum Conradus Mazouia Princeps à Prussis vexatus ab Imper. Friderico II. auxilium petiit, qui eò misit fratres Teutonicos nuper à Saracenis ex Palæstinâ depulsos, qui & accepere Culmensem